



Broj: 03-20-333/20
Vogošća, 13.03.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 13.03.2020. godine donio je

ODLUKU O IZBORU NAJPOVOLJNIJEG PONUĐAČA ZA NABAVKU, ISPORUKU I MONTAŽU PLASTENIKA OD 100 m² SA DODATNOM OPREMOM

Član 1.

Ponuda ponuđača "ITC" d.o.o. Zenica, ulica Zmaja od Bosne bb (Poduzetnička zona 1) Zenica, odabrana je za nabavku, isporuku i montažu plastenika od 100 m² sa dodatnom opremom, kao prvoplasirana na Rang listi, sa ponudenom najnižom cijenom tehnički zadovoljavajuće ponude u iznosu od 62.140,00 KM bez uračunatog PDV-a, odnosno 72.703,80 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 21.02.2020. godine donio Odluku o pokretanju Otvorenog postupka nabavke, isporuke i montaže plastenika od 100 m² sa dodatnom opremom, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 21.02.2020. godine pod brojem: 1353-1-1-23-3-35/20.

Sažetak Obavještenja o nabavci objavljen je u "Službenom glasniku BiH" broj: 15/20 od 28.02.2020. godine.

Tendersku dokumentaciju sa Portala javnih nabavki BiH je preuzelo 10 (deset) ponuđača. Krajnji rok za dostavu ponuda bio je 09.03.2020. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 09.03.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-20-333/20 iz februara 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Nermaris" d.o.o. Gračanica	64.974,00	/	/	76.019,58
2	"ITC" d.o.o. Zenica	62.140,00	/	/	72.703,80
3	"Bosnaplast" d.o.o. Sarajevo	83.200,00	/	/	97.344,00
4	Opšta poljoprivredno-proizvodno-prometno-uslužna zadruga "Bios" p.o. Visoko	63.700,00	/	/	74.529,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

I. Ponuda ponuđača "Nermaris" d.o.o. Gračanica ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, a u skladu sa članom 49. Zakona od ponuđača je zahtjevano da za potrebe realizacije predmeta nabavke imaju na raspolaganju angažovano tehničko osoblje i to: 1 (jedno) lice, VSS VII stepen-dipl ing. poljoprivrede odnosno visoko obrazovanje najmanje prvog ciklusa (koji se vrednuje sa 180 ECTS bodova) Bolonjskog sistema studiranja-poljoprivredne struke.

Tačkom 7.4.2. pod b) TD od ponuđača je zahtjevano da se kao dokaz za traženo dostavi Izjava na obrascu ponuđača da će za potrebe realizacije predmeta nabavke imati na raspolaganju angažovano tehničko osoblje i to: 1 (jedno) lice, VSS VII stepen-dipl ing. poljoprivrede odnosno visoko obrazovanje najmanje prvog ciklusa (koji se vrednuje sa 180 ECTS bodova) Bolonjskog sistema studiranja-poljoprivredne struke uz dostavljanje dokaza o radnom angažmanu.

Kao Dokazi o radnom angažmanu u Napomeni III tačke 7.4.2. pod b) TD su propisani Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji.

Ponuđač "Nermaris" d.o.o. Gračanica je propustio da dostavi dokaze zahtjevano tačkom 7.4.2. pod b) TD (Izjavu na obrascu ponuđača da će za potrebe realizacije predmeta nabavke imati na raspolaganju angažovano tehničko osoblje i Dokaze o radnom angažmanu).

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Bosnaplast" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 49. Zakona zahtjevano je da je ponuđač uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 62.000,00 KM bez uračunatog PDV-a.
Tačkom 7.4.2. pod a) TD je traženo da ponuđač u svrhu dokazivanja ispunjavanja uslova iz tačke 7.4.1. pod a) TD treba dostaviti spisak izvršenih ugovora u ukupnom iznosu od

62.000,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona. Ukoliko se potvrde o izvršenim uslugama ne mogu obezbijediti iz objektivnih razloga, ponuđač će dostaviti izjavu o uredno izvršenim poslovima uz predočenje dokaza o učinjenim pokušajima da se takve potvrde osiguraju.

Potvrda o izvršenim ugovorima koju izdaje naručilac obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora te navode o uredno izvršenim ugovorima.

Ponuđač "Bosnaplast" d.o.o. Sarajevo je u svojoj Ponudi (strana 24. Ponude) dostavio Referenc listu broj: 02-3/20 od 10.01.2020. godine.

Međutim, ponuđač "Bosnaplast" d.o.o. Sarajevo je propustio da dostavi Potvrde o izvršenim ugovorima od strane krajnjeg korisnika, propisane odredbama TD, a u skladu sa članom 48. stav 2. i 3. Zakona o javnim nabavkama BiH ("Službeni glasnik BiH", broj 39/14).

- Tačkom 9.9.1.TD je propisano da će ugovorni organ dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 6. tenderske dokumentacije ("nacrt"). Ponuđač treba potpisati prijedlog ugovora i popuniti dijelove koji su ostavljeni prazni (nacrt ugovora mora biti uredno popunjen, potpisan i ovjeren pečatom ponuđača). Također tačkom 8.2.1. pod 10. TD je propisano da Nacrt Ugovora-Aneks 6 treba biti popunjen, potpisan i ovjeren pečatom ponuđača.

Ponuđač "Bosnaplast" d.o.o. Sarajevo je u svojoj ponudi (strana 19-21. Ponude) propustio da popuni dijelove koji su ostavljeni prazni u Nacrtu Ugovora (član 1., član 2., član 5. Nacrta Ugovora kao i samo zaglavlje ugovora tj. podatke o Dobavljač), te je na taj način postupio suprotno jasno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "ITC" d.o.o. Zenica i

- Opšta poljoprivredno-proizvodno-prometno-uslužna zadruga "Bios" p.o. Visoko ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16) i Odlukom o izmjenama i dopunama odluke o obaveznoj primjeni preferencijalnog tretmana domaćeg ("Službeni glasnik BiH" broj: 54/19).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2020. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50% ukupne vrijednosti od ponuđenih roba imaju porijeklo iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 13.03.2020. godine u 09:05 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 13.03.2020. godine, Komisija za javne nabavke je sačinila sljedeću Rang listu u Otvorenom postupku nabavke, isporuke i montaže plastenika od 100 m² sa dodatnom opremom kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"ITC" d.o.o. Zenica	62.140,00	72.703,80
2	Opšta poljoprivredno-proizvodno-prometno-uslužna zadruga "Bios" p.o. Visoko	63.700,00	74.529,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "ITC" d.o.o. Zenica, za nabavku, isporuku i montažu plastenika od 100 m² sa dodatnom opremom, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 62.140,00 KM bez uračunatog PDV-a, odnosno 72.703,80 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Nermaris" d.o.o. Gračanica
2. "ITC" d.o.o. Zenica
3. "Bosnaplast" d.o.o. Sarajevo
4. Opšta zadruga "Bios" p.o. Visoko
5. Nadležnoj Službi
6. U dosije
7. a/a

035/702-388

032/405-970

033/450-032

032/746-834



OPĆINSKI NAČELNIK

Edin Smajić
Edin Smajić